

Nawod k paslenju latarnje na swjateho Měrcína

Wopomnjenski dzeń swjateho Měrcína steji před durjemi a nimaš hišće žanu latarnju za lampionowy ćah? Potom sej tola spěšnje hišće tajku zhotow. Tule nańdžeš přehlad, što za latarnju z konserwoweje tyzy wšitko trjebaš.

Wjele wjesela!

Tole trjebaš:


- čistu konserwowu tyzu
- wšelki grat: hamor, křižny šrubowak (Kreuzschraubenzieher), dlěši wótry hozdžik
- drjewjany kolik a grót
- bančík k lěpjenju abo wšelake barby a pisaki, kotrychž barba hodži so za metal, k wuhotowanju
- prawu abo elektrisku čajowu swěčku
- po potrjebje kij z abo bjez elektriskeje swěcy

Takle postupuješ:

1.



2.



Wotćehń papjeru wot konserwoweje tyzy a suń ju na hodžacy so drjewjany kolik. Klepaj nětko z hamorom a hozdžikom kedžbliwje džěrki abo mster, kotryž so ći lubi, do tyzy. Chceš-li, zo su džěrki wšelako wulke, powjetš je ze křižnym šrubowakom.

Zaklepaj na hornjej kromje tyzy džěrce, kotrejž stej napřemo sebi. Zwjazaj jej z grotom, tak zo móžeš latarnju na něšto přičinić.

Wudeb ju z barbami, tak zo je rjana pisana.

Staj do tyzy prawu abo elektrisku čajowu swěčku. Nětko móžeš latarnju na přikład na kiju přičinić abo ju do wokna stajić.